

Y Pwyllgor Is-ddeddfwriaeth

Adroddiad (SLC(3) 05-08)

Dyddiad y Cyfarfod: 04 Mawrth 2008
Amser y Cyfarfod: 8.15am
Lleoliad y Cyfarfod: Ystafell Bwyllgora 2, y Senedd

Cylch gwaith:

Cylch gwaith y Pwyllgor yw:-

1. Yn ddarostyngedig i Reol Sefydlog 15.7, rhaid i'r Pwyllgor ystyried pob offeryn statudol neu offeryn statudol drafft y mae unrhyw ddeddfiad yn ei gwneud yn ofynnol iddo gael ei osod gerbron y Cynulliad a chyflwyno adroddiad ar a ddylai'r Cynulliad roi sylw arbennig i'r offeryn neu'r drafft ar unrhyw un o'r seiliau canlynol:

- (i) ei bod yn ymddangos bod amheuaeth a yw *intra vires*;
- (ii) ei bod yn ymddangos ei fod yn gwneud defnydd anarferol neu annisgwyl ar y pwerau a roddwyd gan y deddfiad y mae wedi'i wneud neu y mae i'w wneud odano;
- (iii) bod y deddfiad sy'n rhoi'r pŵer i'w wneud yn cynnwys darpariaethau penodol sy'n ei eithrio rhag cael ei herio yn y llysoedd;
- (iv) ei bod yn ymddangos bod iddo effaith ôl-weithredol lle nad yw'r deddfiad sy'n ei awdurdodi yn rhoi awdurdod pendant ar gyfer hyn;
- (v) bod angen eglurhad pellach ynglŷn â'i ffurf neu ei ystyr am unrhyw reswm penodol;
- (vi) ei bod yn ymddangos bod gwaith drafftio'r offeryn neu'r drafft yn ddiffygiol neu ei fod yn methu â bodloni gofynion statudol;
- (vii) ei bod yn ymddangos bod anghysondebau rhwng ystyr testun Cymraeg a thestun Saesneg yr offeryn neu'r drafft;
- (viii) bod yr offeryn neu'r drafft yn defnyddio iaith ryw-benodol;
- (ix) nad yw wedi'i wneud neu i'w wneud yn Gymraeg ac yn Saesneg;
- (x) ei bod yn ymddangos bod oedi na ellir ei gyfiawnhau wedi bod wrth ei gyhoeddi neu wrth ei osod gerbron y Cynulliad; neu

- (xi) ei bod yn ymddangos bod oedi na ellir ei gyfiawnhau wedi bod wrth anfon hysbysiad o dan adran 4(1) o Ddeddf Offerynnau Statudol 1946, (fel y'i haddaswyd).

2. Yn ddarostyngedig i Reol Sefydlog 15.7, caiff y Pwyllgor ystyried a chyflwyno adroddiad ar a ddylai'r Cynulliad roi sylw arbennig i unrhyw offeryn statudol neu offeryn statudol drafft y mae unrhyw ddeddfiad yn ei gwneud yn ofynnol iddo gael ei osod gerbron y Cynulliad ar unrhyw un o'r seiliau canlynol:

- (i) ei fod yn codi tâl ar Gronfa Gyfunol Cymru neu ei fod yn cynnwys darpariaethau sy'n ei gwneud yn ofynnol i daliadau gael eu gwneud i'r Gronfa honno neu i unrhyw ran o'r llywodraeth neu i unrhyw awdurdod lleol neu gyhoeddus yn gydnabyddiaeth am unrhyw drwydded neu gydsyniad neu am unrhyw wasanaethau sydd i'w rhoi, neu ei fod yn rhagnodi swm unrhyw dâl neu daliad o'r fath;
- (ii) ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Cynulliad;
- (iii) ei fod yn amhriodol oherwydd newid yn yr amgylchiadau ers i'r deddfiad y mae wedi'i wneud neu y mae i'w wneud odano gael ei basio neu ei wneud ei hun;
- (iv) ei fod yn rhoi deddfwriaeth yr Undeb Ewropeaidd ar waith yn amhriodol; neu
- (v) nad yw'n gwireddu ei amcanion polisi yn berffaith.

3. Rhaid i'r Pwyllgor gyflwyno unrhyw adroddiad o dan Reol Sefydlog 15.2 neu 15.3 mewn perthynas ag unrhyw offeryn statudol neu offeryn statudol drafft heb fod yn fwy nag 20 diwrnod ar ôl i'r offeryn neu'r drafft gael ei osod.

4. Wrth gyfrifo unrhyw gyfnod o ddyddiau at ddibenion Rheol Sefydlog 15.4, rhaid peidio â chymryd i ystyriaeth unrhyw amser pryd y bydd y Cynulliad wedi'i ddiddymu neu ar doriad am fwy na 4 diwrnod.

5. Yn ddarostyngedig i 15.7, caiff y Pwyllgor ystyried y canlynol hefyd a chyflwyno adroddiadau arnynt:

- (i) unrhyw is-ddeddfwriaeth arall a osodir gerbron y Cynulliad;
- (ii) pa mor briodol yw darpariaethau mewn Mesurau Cynulliad arfaethedig ac mewn Mesurau ar gyfer Deddfau Senedd y Deyrnas Unedig sy'n rhoi pwerau i wneud is-ddeddfwriaeth i Weinidogion Cymru, Prif Weinidog Cymru neu'r Cwnsler Cyffredinol;

- (iii) canlyniadau gorchmynion drafft o dan Ran 1 o Ddeddf Diwygio Deddfwriaeth a Rheoliadau 2006 ar gyfer deddfwriaeth sy'n ddarostyngedig i ystyriaeth yn y Cynulliad;
- (iv) defnydd Gweinidogion Cymru ar bwerau cychwyn; neu
- (v) unrhyw fater deddfwriaethol gyffredinol ei natur sy'n ymwneud â chymhwysedd y Cynulliad neu gymhwysedd Gweinidogion Cymru.

6. Ni chaiff y Pwyllgor ystyried:

- (i) unrhyw orchymyn cymhwysedd deddfwriaethol drafft; na
- (ii) unrhyw offeryn statudol neu offeryn statudol drafft y mae'n ofynnol ei osod gerbron Senedd y Deyrnas Unedig.

Aelodau:

Aelodau presennol y Pwyllgor yw:

Dr Dai Lloyd AC (Cadeirydd)
Eleanor Burnham AC
Andrew RT Davies AC
Alun Davies AC
Irene James AC

Cynghorwyr Cyfreithiol:

Gwyn Griffiths
Joanest Jackson

Y Tîm Clercod:

Clerc y Pwyllgor:

Anna Daniel

Dirprwy Glerc y Pwyllgor :

Olga Lewis

Swyddogion Cymorth Gweinyddol :

Hasera Khan
Runa Haque

Sut i gysylltu â ni:

Os hoffech ddod i gyfarfod Pwyllgor y Cynulliad, mae angen archebu sedd ymlaen llaw, naill ai drwy ffonio:

Llinell Archebu'r Cynulliad: 029 2089 8477

Neu drwy anfon e-bost i archebu@cymru.gsi.gov.uk

Gallwch gysylltu â'r pwyllgor drwy anfon e-bost i:

Legislation.comm@wales.gsi.gov.uk

Neu gallwch siarad ag Anna Daniel, y Clerc ar 029 2089 8144.

CYNNWYS

Cyfarfu'r Pwyllgor ar 04 Mawrth 2008. Roedd yr Aelodau Pwyllgor a ganlyn yn bresennol yn y cyfarfod: Dr Dai Lloyd AC, Eleanor Burnham AC, Andrew RT Davies AC ac Alun Davies AC. Cafwyd ymddiheuriadau gan Irene James AC. Roedd Sandy Mewies yn dirprwyo ar ran Irene James AC.

Mae adroddiadau'r pwyllgor i'r Cynulliad fel a ganlyn:

Offerynnau ac offerynnau drafft na fydd y Cynulliad yn cael ei wahodd i roi sylw arbennig iddynt o dan Reol Sefydlog 15.2

Offerynnau sy'n agored i gael eu dirymu yn unol â phenderfyniad gan y Cynulliad (y weithdrefn negyddol)

SLC113 – Gorchymyn Daliadau Amaethyddol (Unedau Cynhyrchu) (Cymru) 2008

Y weithdrefn negyddol. Fe'u gwnaed ar 6 Chwefror 2008. Fe'u gosodwyd ar 7 Chwefror 2008. Yn dod i rym ar 3 Mawrth 2008.

SLC114 - Rheoliadau Gorchmynion Ad-dalu Rhent (Darpariaethau Atodol) (Cymru) 2008

Y weithdrefn negyddol. Fe'u gwnaed ar 6 Chwefror 2008. Fe'u gosodwyd ar 7 Chwefror 2008. Yn dod i rym ar 4 Mawrth 2008.

Noder – ceir adroddiad ar yr Offeryn hwn o dan Reol Sefydlog 15.3(i) hefyd.

SLC115 - Gorchymyn Awdurdodau Tân ac Achub (Dangosyddion Perfformiad Gwerth Gorau) (Cymru) 2008

Y weithdrefn negyddol. Fe'i gwnaed ar 19 Chwefror 2008. Fe'i gosodwyd ar 22 Chwefror 2008. Yn dod i rym ar 18 Mawrth 2008.

SLC116 - Rheoliadau Awdurdodau Lleol (Addasu Cyfrifiadau Angenrheidiol) (Cymru) 2008

Y weithdrefn negyddol. Fe'u gwnaed ar 22 Chwefror 2008. Fe'u gosodwyd ar 25 Chwefror 2008. Yn dod i rym ar 27 Chwefror 2008.

SLC117 - Rheoliadau Gwaith Stryd (Cosbau Penodedig) (Cymru) (Diwygio) 2008

Y weithdrefn negyddol. Fe'u gwnaed ar 22 Chwefror 2008. Fe'u gosodwyd ar 25 Chwefror 2008. Yn dod i rym ar 12 Mai 2008.

Offerynnau y bydd y Cynulliad yn cael ei wahodd i dalu sylw arbennig iddynt o dan Reol Sefydlog 15.3

Offerynnau sy'n agored i gael eu dirymu yn unol â phenderfyniad gan y Cynulliad (y weithdrefn negyddol)

SLC114 - Rheoliadau Gorchmynion Ad-dalu Rhent (Darpariaethau Atodol) (Cymru) 2008

Y weithdrefn negyddol. Fe'u gwnaed ar 6 Chwefror 2008. Fe'u gosodwyd ar 7 Chwefror 2008. Yn dod i rym ar 4 Mawrth 2008.

Cafodd y Pwyllgor ei wahodd i roi sylw arbennig i'r Offeryn hwn o dan Reol Sefydlog 15.3(i) am ei fod yn cynnwys darpariaethau lle y gall fod yn ofynnol gwneud tâl i Gronfa Gyfunol Cymru.

Craffu ar y “Cynnig ar gyfer Mesur Dysgu a Sgiliau (Cymru) 2008”

Ar ôl ystyried adroddiad y Cynghorydd Cyfreithiol ar y “Cynnig ar gyfer Mesur Dysgu a Sgiliau (Cymru) 2008”, cytunodd y Pwyllgor i wahodd John Griffiths AC, y Dirprwy Weinidog dros Sgiliau neu gynrychiolydd y Dirprwy Weinidog i ddarparu rhagor o wybodaeth am ddarpariaethau'r Mesur o ran is-ddeddfwriaeth a'r rhesymeg dros y weithdrefn sy'n gymwys i'r darpariaethau hyn.

Amseriad cyfarfodydd

Mae aelodaeth y Pwyllgor wedi'i lleihau a phenderfynwyd ailddechrau'r drafodaeth ar amseriad cyfarfodydd yn y dyfodol. Er efallai na fydd yn bosibl cyflwyno unrhyw hyblygrwydd i'r amserlen ar gyfer y cyfarfodydd nesaf, penderfynwyd gofyn i'r ysgrifenyddiaeth ystyried yr opsiynau o ran cynnal cyfarfodydd “busnes arferol” yn y dyfodol.

Dr Dai Lloyd AC

Cadeirydd y Pwyllgor Is-ddeddfwriaeth

04 Mawrth 2008